



Broj: 05/7-39-1-155-51/19

Sarajevo, 15. 7. 2019.

Z A P I S N I K

51. sjednice Vijeća nacionalnih manjina BiH, održane 15. 7. 2019.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Mladen Radmilović, Nedžad Jusić, Hakan Varan i Tijana Vučurević.

Sjednici nisu prisustvovali: Halil Bicaj, Marija Grbić, Eva Pašić-Juhas i Jakob Finci.

Sjednici su, također, prisustvovali: Saliha Đuderija, pomoćnica ministrice za ljudska prava BiH, Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima, Aida Kreho, sekretarka, i Branislava Vignjević, stručna savjetnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 50. sjednice Vijeća nacionalnih manjina BiH;
2. Razmatranje pitanja finansiranja aktivnosti udruženja nacionalnih manjina od Ministarstva za ljudska prava i izbjeglice BiH;
3. Razmatranje dopisa Vijeća Evrope u Bosni i Hercegovini (odgovor na upit broj: 05/7-39-1-155-49/19 od 27. 5. 2019);

4. Razmatranje informacije s obuke pod nazivom: „Nacionalne manjine u Republici Srbiji“, održane 27. 6. 2019;
5. Tekuća pitanja.

Ad. 1. Usvajanje Zapisnika 50. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da rasprave nije bilo, članovi Vijeća **jednoglasno su usvojili** Zapisnik 50. sjednice Vijeća nacionalnih manjina BiH.

Ad. 2. Razmatranje pitanja finansiranja aktivnosti udruženja nacionalnih manjina od Ministarstva za ljudska prava i izbjeglice BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Saliha Đuderija, Želimir Lalić, Andrija Svatok, Nedžad Jusić, Velibor Kuvač, Tihomir Knežiček i Dragan Marković.

Nakon rasprave, članovi Vijeća su, s **12 glasova „za“ i jednim glasom „suzdržan“**, usvojili zaključak da se uputi molba Predsjedništvu BiH, kao ovlaštenom predlagaču, za korekciju Prijedloga zakona o Budžetu institucija Bosne i Hercegovine i međunarodnih obaveza Bosne i Hercegovine za 2019. godinu prema Parlamentarnoj skupštini BiH sljedećeg sadržaja:

*Vijeće nacionalnih manjina BiH je stalno tijelo Parlamentarne skupštine BiH, uspostavljeno Zakonom o zaštiti prava pripadnika nacionalnih manjina („Službeni glasnik BiH“, br. 12/03, 76/05 i 93/08) s ciljem razmatranja pitanja i problema s kojima se susreću pripadnici nacionalnih manjina u Bosni i Hercegovini. Na 51. sjednici, održanoj 15. 7. 2019, Vijeće nacionalnih manjina BiH došlo je do saznanja da je Ministarstvo za ljudska prava i izbjeglice BiH, u okviru svog budžeta za 2019. godinu, smanjilo, **odnosno - bez konsultacija s udruženjima nacionalnih manjina ili njihovim predstavničkim tijelima u okviru institucija vlasti - izvršilo preraspodjelu iznosa sredstava unutar sredstava granta neprofitnim organizacijama.***

Iznos sredstava granta za podršku udruženjima nacionalnih manjina je izvršenom preraspodjelom **smanjen za 50.000 konvertibilnih maraka (KM)**, te je - umjesto dosadašnjih 150.000 KM - predviđeno da grant sredstva za ove potrebe iznose 100.000 KM.

Iako potpuno svjesni neophodnosti fiskalne discipline i odgovornosti, kao i nemogućnosti da se iznos budžeta poveća srazmjerno potrebama svih neprofitnih organizacija, imamo obavezu iskazati ozbiljnu zabrinutost zbog predviđenog smanjenja sredstava. Imajući u vidu da su sva

do sada dodjeljivana sredstva za potrebe nacionalnih manjina bila korištena radi promocije i zaštite ljudskih prava, za provođenje brojnih aktivnosti udruženja nacionalnih manjina s ciljem očuvanja njihovog kulturnog identiteta i povećanja vidljivosti pripadnika manjina u društvu, smatramo da je snažniji angažman države u smislu zaštite ove kategorije populacije Bosne i Hercegovine neophodan u svakom pogledu, pa tako i u pogledu osiguranja dovoljnog iznosa sredstava za nesmetan rad udruženja nacionalnih manjina. Shodno navedenom, želimo istaći da je i dosadašnji iznos od 150.000 KM bio minimalan za finansiranje projekata za zadovoljavanje potreba pripadnika nacionalnih manjina u Bosni i Hercegovini, a naročito bi to bio slučaj ako se prihvati dodatno smanjenje ovog iznosa.

Imajući u vidu da je Predsjedništvo BiH ovlašteno predlagatelj Zakona o Budžetu institucija Bosne i Hercegovine i međunarodnih obaveza Bosne i Hercegovine za 2019. godinu prema Parlamentarnoj skupštini BiH kao zakonodavnom tijelu, ljubazno vas molimo da iskoristite svoje pravo predlaganja i izvršite korekciju Nacrta budžeta Ministarstva za ljudska prava i izbjeglice BiH na način da se iznos sredstava predviđenih za potrebe realizacije aktivnosti udruženja nacionalnih manjina u Bosni i Hercegovini vrati na iznos iz 2018. godine od 150.000 KM, ako ne i poveća za dodatnih 50.000 KM, odnosno na ukupno 200.000 KM.

Potpuno uvjereni da ste svjesni težine položaja pripadnika nacionalnih manjina u Bosni i Hercegovini i potrebe da svi, na način na koji to mogu, doprinesu njihovom boljitku, nadamo se da ćete prihvatiti našu argumentaciju i uvažiti našu molbu.'

Također, zaključeno je da se po zaprimanju Prijedloga zakona o Budžetu institucija BiH i međunarodnih obaveza BiH za 2019. godinu izvrše provjere o izvršenoj korekciji, te se, u slučaju da ovlašteno predlagatelj ne izvrši traženu korekciju, dopis prethodno navedenog sadržaja uputi poslanicima i delegatima u domovima Parlamentarne skupštine BiH, kao ovlaštenim predlagateljima amandmana.

Ad. 3. Razmatranje dopisa Vijeća Evrope u Bosni i Hercegovini (odgovor na upit broj: 05/7-39-1-155-49/19 od 27. 5. 2019)

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Hakan Varan i Želimir Lalić.

Nakon rasprave, članovi Vijeća **jednoglasno su primili k znanju** dopis Vijeća Evrope, te zaključili da će, na jednoj od narednih sjednica, iskoristiti priliku da o njegovom sadržaju dodatno porazgovaraju s Drahoslavom Štefanekom, šefom Ureda Vijeća Evrope u BiH.

Ad. 4. Razmatranje informacije s obuke pod nazivom: „Nacionalne manjine u Republici Srbiji“, održane 27. 6. 2019.

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. Informaciju je prezentirala Branislava Vignjević, te su u raspravi o njenom sadržaju učestvovali: Andrija Svatok, Mladen Radmilović i Želimir Lalić. Posebno je istaknuta činjenica da je obuka bila izuzetno uspješna i korisna, te da bi se trebala razmotriti mogućnost nastavka saradnje i organiziranja sličnih obuka u budućnosti.

Nakon rasprave, članovi Vijeća **jednoglasno su usvojili informaciju** s obuke pod nazivom: „Nacionalne manjine u Republici Srbiji“, održane 27. 6. 2019.

Ad. 5. Tekuća pitanja

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda, te zadužio zaposlene u Uredu sekretara Zajedničke komisije za ljudska prava da ponovo upute molbu Misiji OSCE-a u BiH za finansiranje posjete Vijeća Trebinju, s ciljem razmatranja potreba pripadnika nacionalnih manjina.

Na kraju sjednice, sekretarka Zajedničke komisije Aida Kreho saopćila je članovima Vijeća da je u augustu kolektivni godišnji odmor, te su članovi Vijeća zaključili da se naredna sjednica zakaže za ponedjeljak, 26. 8, ili utorak, 27. 8. 2019, zavisno od tehničkih mogućnosti.

U okviru ove tačke dnevnog reda nije bilo dodatnih predmeta za razmatranje.

Sjednica Vijeća nacionalnih manjina BiH završena je u 18.15 sati.

Sastavni dio Zapisnika je tonski snimak 51. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok